



KEMENTERIAN WILAYAH PERSEKUTUAN
Blok 2, Menara Seri Wilayah, Presint 2, 62100 Putrajaya
Tel: 03-8889 7888 Faks: 03-8889 7957
Laman web: www.kwp.gov.my

SIARAN MEDIA

UNTUK LIPUTAN MEDIA MASSA

SEMANGAT KEBERSAMAAN DAN PERPADUAN DI RUMAH TERBUKA TAHUN BARU CINA WILAYAH PERSEKUTUAN

KUALA LUMPUR, 1 Mac 2018 – Kementerian Wilayah Persekutuan (KWP), Dewan Bandaraya Kuala Lumpur (DBKL) dan Yayasan Wilayah Persekutuan (YWP) menganjurkan Rumah Terbuka Tahun Baru Cina Peringkat Wilayah Persekutuan bersama-sama 5,000 orang warga kota. YB Datuk Seri Utama Tengku Adnan bin Tengku Mansor, Menteri Wilayah Persekutuan turut bersama-sama meraikan komuniti cina yang menyambut Tahun Baru Cina baru-baru ini di Dataran DBKL hari ini.

Majlis Rumah Terbuka ini bertujuan untuk meningkatkan persefahaman masyarakat dan silang budaya antara etnik pelbagai fahaman agama dan dapat berkongsi kegembiraan bersama-sama dengan golongan yang kurang bernasib baik termasuk golongan gelandangan. Melalui penganjuran program ini juga membuka peluang kepada pelancong dari luar negara untuk merasai makanan serta melihat budaya tradisi dalam kalangan masyarakat majmuk di Malaysia.

Di dalam majlis ini, YWP turut memberikan sumbangan berjumlah RM70,000.00 kepada 3,500 warga yang hadir seperti kanak-kanak sekolah, golongan berpendapatan rendah dan juga gelandangan. DBKL juga telah memperuntukkan wang sumbangan sejumlah RM37,500.00 untuk diberikan kepada 250 orang komuniti cina di PPR dan Perumahan Awam DBKL yang kurang berkemampuan.

Adalah diharapkan dengan pengajuran Rumah Terbuka Tahun Baru Cina Wilayah Persekutuan ini dapat mengeratkan lagi kebersamaan, perpaduan, keharmonian serta menambahkan keceriaan dalam kalangan warga Wilayah Persekutuan. Semoga tahun anjing tanah ini dapat memberikan kemakmuran dan tuah kepada Warga Wilayah Persekutuan melalui peningkatan ekonomi yang pesat untuk dikongsi bersama seluruh rakyat Malaysia

Disediakan Oleh:
Bahagian Komunikasi Korporat
Kementerian Wilayah Persekutuan

